

LUTRIJA BOSNE I HERCEGOVINE, d.o.o.
UPRAVNI ODBOR

Broj: 55-757-5/06

Dana: 15.07.2006. godine

Na osnovu člana 16. Zakona o igrama na sreću ("Sl.novine FBiH" br.1/02),
Upravni odbor Lutrije Bosne i Hercegovine, d.o.o. Sarajevo, ul. Alije Isakovića br.
1. na sjednici održanoj dana 12.07.2006. godine, d o n i o j e

P R A V I L A
igre na sreću "HOROSKOP" srećka

1. OSNOVNE ODREDBE

Član 1.

Ovim se Pravilima propisuju uslovi za priređivanje igre na sreću pod nazivom "HOROSKOP" srećka (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri na sreću "HOROSKOP" srećka (čl. 22. stav 1. Zakona o igrama na sreću).

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na sreću (u daljem tekstu: učesnik) na osnovu prihvatanja opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

Član 3.

Za obaveze prema učesnicima, Priređivač odgovara svim svojim sredstvima, ako su ispunjeni uslovi utvrđeni ovim Pravilima.

2. NAZIV, OPIS I VRIJEME TRAJANJA IGRE

Član 4.

„HOROSKOP“ srećka je igra na sreću s unaprijed utvrđenom visinom fonda dobitaka, u kojoj učesnik saznaje rezultat igre, nakon skidanja emulzije sa označenih polja.

Član 5.

Početak prodaje „HOROSKOP“ srećke utvrđuje se odlukom generalnog direktora.

3. USLOVI ZA UČEŠĆE U IGRI

Član 6.

Učesnikom u igri smatra se osoba koja je s Priređivačem zaključila ugovor iz čl. 2. ovih Pravila, uz dokaz da posjeduje punovrijednu srećku / u svemu shodno čl. 10. ovih Pravila/.

Srećka glasi na donosioca.

4. POJEDINAČNA CIJENA „HOROSKOP“ SREĆKE

Član 7.

Cijena pojedine „HOROSKOP“ srećke je 1 KM.

5. KOLIČINA I NOVČANA VRIJEDNOST EMISIJE „HOROSKOP“ SREĆAKA

Član 8.

Emisija srećke iznosi 2.000.000 komada srećaka.

Novčana vrijednost emisije srećaka iznosi 2.000.000,00 KM.

6. VISINA FONDA I VRSTE DOBITAKA

Član 9.

Fond dobitaka iznosi 70% od emisione vrijednosti ili 1.400.000,00 KM, a iznos se dijeli na 470.200 dobitka.

„HOROSKOP“ srećka - plan dobitaka:

200	x	1.000,00 KM	=	200.000,00 KM
2.000	x	100,00 KM	=	200.000,00 KM
4.000	x	50,00 KM	=	200.000,00 KM
8.000	x	20,00 KM	=	160.000,00 KM
16.000	x	10,00 KM	=	160.000,00 KM
40.000	x	2,00 KM	=	80.000,00 KM
400.000	x	1,00 KM	=	400.000,00 KM

7. OPIS „HOROSKOP“ SREĆKE

Član 10.

HOROSKOP srećke su pravougaonog oblika.

Na prednjoj strani srećaka nalaze se slike 12 horoskopskih znakova i tekst: Lutrija Bosne i Hercegovine sa znakom, Horoskop, slika horoskopskog znaka, simbol i datum znaka, cijena 1 KM, 3 polja šestokrakog oblika pokrivena emulzijom ispod kojih se nalaze novčani iznosi, i tekst: Tri ista iznosa = 1x dobitak i polje pokriveno emulzijom na kojem piše “ ne skidaj”.

Na poledini srećke nalazi se tekst o načinu ostvarivanja dobitka, emisija, fond i plan dobitaka, rok prodaje, priređivač (kraći izvod iz Pravila).

8. UTVRĐIVANJE DOBITAKA

Član 11.

Novčani dobitak na srećki utvrđuje igrač, odnosno učesnik ukoliko se nakon skidanja emulzije sa tri šestokraka polja otkriju tri ista iznosa, a dobitak predstavlja označeni iznos novca.

Igrač u igri nije dužan uzeti srećku na kojoj su vidljivi znaci oštećenja.

9. NAČIN I ROK ISPLATE NOVČANIH DOBITAKA

Član 12.

Srećka glasi na donosioca.

Lice koje ne posjeduje srećku ni u kom slučaju, ne može tražiti isplatu dobitka.

Prilikom naplate, učesnik je dužan predati licu ovlaštenom za isplatu, neoštećenu srećku, kao i pokazati ličnu ispravu.

Srećka je nevažeća ako je pocijepana ili ako su djelimično ili u cjelosti oštećeni brojevi ili znakovi prilikom skidanja emulzije ili ako je oštećena emulzija sa natpisom "NE SKIDAJ".

Nevažeća srećka se ne može naplatiti, niti imalac srećke ima pravo na povraćaj cijene srećke.

Član 13.

Učesnik ima pravo da traži povrat novca u visini vrijednosti jedne srećke ako su greškom štamparije pogrešno odštampani ili nisu uopšte odštampani znakovi i brojevi ili nedovoljno puta odštampani.

Član 14.

Porez na dobitke plaća učesnik koji je ostvario dobitak na srećki. Kod dobitaka, koji podliježu oporezivanju, Priređivač će odbiti porez na dobitak prije isplate dobitka.

Član 15.

Isplata novčanih dobitaka se vrši na prodajnim mjestima i na blagajni Priređivača.

Član 16.

Rok prodaje srećke je otisnut na samoj srećki. Ovaj rok se može produžiti, odlukom generalnog direktora.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Član 17.

Priređivač ne snosi odgovornost za srećke koje su na bilo koji način nestale ili oštećene u toku prodaje, u kojem slučaju se smatra da je prodavač kupio sve srećke za koje tvrdi da su nestale, ukradene, izgubljene ili oštećene.

Član 18.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

10. NAČIN UPOZNAVANJA UČESNIKA U IGRI S OVIM PRAVILIMA

Član 19.

Ova Pravila se nalaze na svim prodajnim mjestima Priređivača i dostupna su svim učesnicima u igri na sreću.

Osobama zainteresiranim za učestvovanje u igri na sreću "HOROSKOP" srećka, Priređivač je dužan omogućiti upoznavanje s ovim Pravilima, odnosno dati ih na uvid.

Ova Pravila biće objavljena u listu "Dnevni avaz".

11. PRELAZNE I ZAVRŠNE ODREDBE

Član 20.

Za rješavanje eventualnih sporova, proisteklih iz učešća u igri na sreću, nadležan je sud u Sarajevu.

Član 21.

Ova Pravila stupaju na snagu danom donošenja, a primjenjivaće se puštanjem u prodaju 1. serije "HOROSKOP" srećke.

**PREDSJEDNIK
UPRAVNOG ODBORA**

Mesud Omerspahić, s.r.